

曉登春臺用韻

惠上人房

夏夜府公辱過

酬羅使君仰山之招

鈴山夜別簡侍御得寬字

陽春書院唐朱二侍御邀集

薛樓宴集次汪戶部希會是日出師捕安義之

寇

夜登明遠樓同王陽明中丞唐朱二察院

龜峰寺

上巳玉山集

塔山望

自西湖入靈隱上天竺

嘉興三塔寺留別朝儀子謙二使君年丈

虎丘寺侍少傅守谿公遊奉次高韻

東平遇雨

蓮花淀舟泛

盧溝橋

憶鈴山寄溪亭明府

南京戶部後池雙蓮同幹大司徒王公邀賦

鈴山堂集卷第六

詩使粵藁

漁石唐龍

升菴楊慎評點

晨觀風洞登疊綵樓歷拱辰亭亭為鎮守傅中
貴所創巖巒竒聳千里在目諸巡院有詩予
輒次韻是日介行登賦不盡興也

孤亭絕嶂倚南天碧樹蒼崖共莽然八桂雲山供作
賦群公尊俎坐籌邊嚴城鼓角傳清曙落日帆檣出
斷煙王事未能窮勝覽北風搖檝下湘川

臺灣國家圖書館, NATIONAL CENTRAL LIBRARY, TAIWAN, R.O.C.

蒼茫寒霧起遙天歲晏憑高思渺然夜發仙槎南斗
外春瞻御座綵雲邊湘源水色浮晴雪桂嶺花枝拂
瘴烟莫恠題詩惜幽賞子長竒興在山川

題風洞

寧知巖洞古平臨闌闔中梵閣開丹鷲仙梯躡彩虹
遙峰晴吐霧陰磴靜含風安能賦招隱來扳幽桂叢

題虞山廟

重華千載後遺廟在南夷絃想薰風奏庭思鳳鳥儀
斷碑苔蘚合幽洞薜蘿垂髣髴移仙駕乘雲度九疑

虞山宴別

臘二十五日發桂林方伯何君珊憲使宗君璽大

叅彭君夔憲副張君祐陳君伯獻都帥戴君儀王

君繼善借餞虞山廟之南薰亭上既謁廟乃宴乃

往觀于廟後之韶音洞既醉賦詩留別諸君子

山隱韶音洞江橫舜帝祠旌旄勤出餞巖石借題詩
客路春梅色湘洲碧草辭都忘去程暮留賞更傳卮

二

贈言紛授簡祖席迴臨城奉使憐遐域群公荷別情
灘波經地險桂樹向冬榮勝會知難再相思一寄聲
暮次靈川懷寄大叅師舜憲副天益二鄉丈

金山遺集 卷之四
天南歲晚更依依朔雪寒雲遶樹飛投館驚看風土
異臨觴悵惜故人違情同灘水仍西注身似春鴻向
北歸想見郵亭頻駐馬獨吟千嶂已斜暉
他鄉相見故人稀聽唱驪歌欲濕衣數酌猶臨碧水
坐兩輿空指暮林歸池臺月浸薇堂影繡斧霜傳桂
嶺威長路題書祝餐飯壯圖勲業莫相違

除夕全州少司徒梅軒蔣公邀集少傅敬所公
之兄也致政宮傅張公涇川在座有詩次韻

二首

除日他鄉倍憶家聚昆高會轉宜誇能堪黃閣留賓

席正賴清尊遺歲華青蔥色凌階下雪玉梅香破臘
前花烟霜旅棹催晨發已報春風動水涯

臺閣勲名重 帝家不因榮盛有矜誇那知守歲逢
椒頌却喜登堂咏棣華吟就謝池憐夢草醉歸唐苑
憶看花履端更有明朝慶皇澤春陽總未涯

全州歲夜

殊俗聊相值空堂誰與同燈明深雪裏歲盡漏聲中
野暗孤城柝庭高古樹風頻年遠爲客此夕意何窮

元旦全州行慶禮

燎火通宵設軒車拂曙來星隨雙節動雪映百屢開

聖壽齊嵩華春陽徧草萊翠華天北極應指塞垣回

元日燕宮傳涇川公第用韻

午橋來訪晉公家重德高名豈浪誇開筵竹松便逸
隱登堂山水占清華宜春總換桃符帖趁俗先傳彩
勝花願借栢觴增五福直從滄海詠無涯

碧潭青嶂遶千家風景真堪對客誇海內衣冠尊洛
社天南旌節駐皇華春從陰谷潛回律雪應豐年密
作花他日勝遊那可再繫帆重醉粵江涯

拜誦涇川公見贈

曾隨玉署瞻先達愧謁龍門已後時往事殷勤勞晤

倚棹江天豁移尊草閣幽陽通之使句分嶽翠當檻瀉丞流

春至花經眼秋深月滿樓使君時對客詩興遶滄洲

二

川接丞湘會城臨棟宇開武侯今寂寞公爲掃莓苔
世遠懷龍卧江春識鴈回天涯山水郡落日進餘杯

予少孤多病恒有憂生之嗟今年四十矣日月
于邁祿不逮養學未有聞使經衡山適邁初
度矢痛申情爰成茲詠焉

媿變爲童子父母不暫離出門十顧望恒恐兒寒饑
受氣素薄弱旣長猶尪羸多疾貽親憂焉保黃髮期

庸知四十載老大生髭鬚中朝玷榮祿出使萬里歸
公廚飯白粲文錦褰華衣衣食豈不美親養弗可追
初度臨茲辰愴惻有餘悲海波逝莫回悲傷竟何爲

二

飭駕辭桂嶺弭棹越江湘我行幾何時已涉萬里疆
萬里豈漫遊王命肅所將咨詢徧原隰登眺窮崖岡
聞昔太史公足跡好瓌竒東遊探禹穴南浮踰九疑
山川激壯氣一以昌文章赧予誠薄陋懷古意慨慷
男子始生朝弧矢懸門堂眷言四方志豈必懷故鄉
睠彼孤黃鵠矯翮雲天翔啾啾茅簷下燕雀空榆枋

三

弱齡不量力高視慕前儔學道思理人洗心念寡尤
奄忽踰四齡此志但悠悠聰明異前時行業不加修
抱冊時呻吟寧免遺忘憂雕蟲技何補食粟顏堪羞
中夜起長嘆反躬時內省宣父戒無聞漆雕慙未信
勲業弗及時白髮忽生鬢嗟彼萬里道中途可旋軫
願言加餐飯努力桑榆晚

陽三首
有古選風

歸次醴陵

悠悠駐雙騎翼翼抗前旌雲物媚清旦山水映孤城
平野楚烟碧高峰松雪明客愁渾欲失已入故鄉程

慧力寺臨江

古道蒼松轉重洲碧水連橋傳伏馬地臺憶讀書年
客舫平沙倚禪燈夕嶂懸馳驅愧塵鞅棲息歎何緣

移疾慧力方丈呈郡中諸君子

時有寧藩之變

城市誰能此地遊石堂禪榻借深幽藤蘿月上諸峯
靜樓閣風迴古木秋病身偶似維摩室客思應同王
粲樓已惜浮萍自流轉却扳叢桂更淹留

漫懷陶謝與同遊悵惜青山古寺幽江縣羽書頻報
警石門蘿薜自宜秋孤城片月聞吹角落日千峯對
倚樓瀟水驛亭舟楫地異時尊俎記相留

不寐

羽檄連宵至徵兵列郡聞乾坤遂戎馬雲日更炎氛
食祿寧辭難臨危好策勳殘僧閣夜孤枕百憂紛

夜至太平觀

暝色山徑入鐘聲林杪來道人驚客至燭下松門開
瑶席疑芳篆琳館絕浮埃塵襟藉消豁天明車騎催

二

群仙朝上帝高居儼太清玉池泉不涸玄圃樹長榮
劍作蒼龍躍笙同彩鳳鳴倘因值靈藥此地問長生

陳節推父在南昌寄贈

郡閣蕭條晝掩扉。窓中林岫待玄暉。東湖亦是桑乾水。應望袁山日憶歸。楊曰見八真唐詩

贈陳侍御原習

木落歲年晚。空江忽到公。世途千轍異。高論一尊同。懷玉幽人志。纓冠國士風。重溟隔南紀。瞻望渺行驄。郡內逢春

春日春臺宜。引望萬家城。郭慶春新彩。旛花勝巧隨。俗栢葉梅枝。清傍人離離。雪樹開晴旭。冉冉風烟度。野津還沾郡。邸賓筵醉轉。覺鄉園物候親。

盧洲宴集值雨贈羅使君

名園邀客綠尊開。紅旆行春五馬來。江迥波聲喧几席。山寒霧色隱樓臺。庭中翠蔭延修竹。林下幽芳折老梅。為報青陽布新令。滿城甘雨使車回。

過雙龍寺

入谷嵐霏重。開門松寺深。灘流萬木罅。蘿擁衆峰陰。溪鷺仍寒浴。潭龍或夜吟。楚地多風雨。春山不可尋。

山行贈仁甫

萬峯雲度壑。孤寺雨鳴溪。馬渡溪前水。疑憐錦障泥。

二

共宿東窻下。中宵雷雨聞。風塵遲雙劍。好為拭龍文。

寄仁甫

篁木翳深嶺獨行千嶂間溪山正奇絕霖潦倦躋攀
聞子渡前壑日暮臨河還相思阻幽夢一夜雨潺湲

題黃氏池亭

黃生池閣清獨宿怡我情高窻延霧色曲澗遶泉聲
鄰里間能過鷗魚近不驚永學溪中釣寧求世上名

雨望

高樓集飛雨半入空濛間梅痕低暎水草閣暝依山
境寂渾饒睡杯深忽破顏五嶺愁難望烟中疑翠鬟

贈張秀才

吾愛張明府承家不志賢芳蘭臨謝砌白璧照藍田
暮雪明書幌春鶯對別筵天池待鳴鳳綵翼看騰翥

春日遊石乳洞

躋險邁靈室賞勝得仙谿紫泉飛作雨玉髓積如泥
暫駐心寬爽重尋巖逕迷擬結丹霞想來從靜者棲

二

地隱林巒秀春餘草木芳古巖宜置酒清溜忽霑裳
有象名難具無言趣轉忘未云歡賞罷歌吹送殘陽

遊洪陽洞

二仙何代隱巖阿澗綠山青長薜蘿塵世總經桑海

金山堂集 卷六
變丹丘長占水雲多天台到擬逢桃實石室歸疑爛
斧柯思向此中尋靜侶因牽俗累欲如何

彬江羅使君宴別

乳洞初旋蓋郵亭復此筵夜歌臨浦月春賞寄雲泉
賓從滁山醉風流峴水傳所嗟牽遠役安得重延緣
師儉堂

山泉野飯聊今夕金谷銅駝非故時隨緣自有數椽
足題儉真成一字師

雙谿

宛似名山入武谿花源仙艇記還迷春圃剪蔬逢客

至午窻九藥聽鶯啼

題龍封君頤貞卷

學道人未識端居遺俗紛靈龜導真息玄豹養深文
履坦自多吉逃名世却聞當時讀易處幽室灑蘭芬

蕭氏鳳山別業

卜築傍幽深烟霞費遠尋窻喧石澗水檻落翠峰陰
巢鵲依新主谿花發故林應招白雲侶終日伴閒吟
郡學羅守新肄樂請予觀賦

竭聞金絲奏洋洋疊舍中跡類觀周廟神疑遊澤宮
徵師來獨遠享聖禮攸崇茲郡慙遐僻居然鄒魯風

偉哉賢守化不羨蜀文翁

閱武亭置酒

山擁賓筵翠城圍將壘高霜天清鼓角雲日麗旌旄
箭迅穿鴻鵠杯香擘蠓蚶取醉自茲別臨岐贈寶刀

曉登春臺

首尾清典

樓閣山寒裏肩輿衝曉來仲冬群木下初日萬峯開
平野何寥邈層城亦壯哉予心慕竒勝欲別更登臺

二

山暝烟嵐合城高睥睨齊攀躋興不極曠望意還迷
風壞荆吳際星文翼軫西遺祠深木裏來客拜昌黎

和唐侍御晚登春臺

春臺夕上興猶竒落木蒼蒼白日遲行傍逕梅詩自
好坐看松嶂榻頻移江城攬轡霜威迥山閣開尊月
色宜莫爲浮雲望天際恐增愁思倚闌時

曉登春臺用韻

翠嶺烟開楚望竒綠江天盡鳥飛遲松杉覆郭冷風
起樓閣當空淑景移巖樹故因時序改山雲豈與俗
情宜雙峯寂寂應相對悵憶高人獨往時

二袁山漢高士袁京

居所

惠上人房

絕壑聞流水香牀住半天林間飛蓋入松下看雲眠
谷鳥知春候墨花識靜緣冥心遺所適豈必定中禪

夏夜府公辱過

山月照庭際如傳松桂神到門銀燭遠當席錦袍新
自惜迂踈舊多慙寵顧頻荒居寡承奉小酌愧情真
酬羅使君仰山之招

開緘見月生幽思清曉雨聲翻屋來千峯古木啼猿
處空憶題詩坐石苔

鈴山夜別簡侍御得寬字

柱史來天上相過坐夜闌霜威清整假月色好同看

晨渡河水壯春浮楚澤寬臺臣綱紀地送子見才難

陽春書院唐朱二侍御邀集

逆藩故官也

陽春院裏花仍發不飲其如春色何高臺曲沼人能
到遲日濃烟景自多猶憐綠水飛鴻鴈更着蘭舟採
芰荷章郡昇平異前日時邀驄馬一相過

薛樓宴集次汪戶部希會是日出師捕安義之

寇

城外章江碧草春城頭高閣綺筵新野航受客還依
渡江燕穿花不避人山川南國登臨在今古浮雲感
慨頻戰舸眼邊連夜發捷書早報放吾輩

金華山集 卷之六
夜登明遠樓同王陽明中丞唐朱二察院

遙夜肅已靜朗月照重湖風窻倚天漢星嶠臨蓬壺
的的徐亭樹寥寥霜暑烏微言歡欲奉清賞未云徂

龜峰寺 弋陽縣

森森蔭水栢暝暝入山烟始驚靈境絕忽步翠微先
異狀群峰出幽探萬慮捐心期駕鸞鶴從此問真仙

二

鳥鳴芳樹暗雲度碧峰陰春益林巒秀山圍洞壑深
青蓮窺色相綠竹動謳吟人世那逢此丹谿一一臨

上巳玉山集

巖嶂何盤鬱汀洲復渺綿江深迷草樹林霽淨風烟
蘭葉修春裊楊花對別筵不醉河陽酒愁心益惋然

二

懷玉今辰到官亭憇晚晴連山雨渺渺獨樹花盈盈
對酒三春暮離家一月程舊窓園木暗惆悵忽聞鶯

塔山望 玉山縣

初聞流泉響漸入深林間靈峰窺寶塔竹徑欵禪關
暍曖花覆谷空濛雨映山回看萬壑裏雲霧渺人寰

自西湖入靈隱上天竺

蘇橋初進艇靈峰忽振衣三竺開丹鷲諸天在翠微

金剛山堂集 卷之六
三
礪水浮花片松磴鎖烟霏屈折巖扉到蕭條苔徑歸
藉草還留酌聞香頓息機

嘉興三塔寺留別朝儀子謙二使君年丈

三塔移舟望若仙穹林翠壑俯江烟鶯花對酒城春

麗鍾梵登樓海日先世路無端頻送客空門不礙擬

逃禪與君更是燕吳別衝雨開帆各惘然

寺圍有先照樓

虎丘寺侍少傅守谿公遊奉次高韻

禪逕香臺訪碧山玉堂黃閣奉台顏乍揮藻翰花爭
麗久脫朝簪鶴並閒林下看雲松影靜巖邊着屐蘚
痕斑分明仙舸中流坐瞻送宮袍月下還

潭渚逶迤草樹重上方臺殿隱孤峰清輝夜吐吳城

月虛籟寒生梵院松窓瞰浦雲宜引望石留僧講謾

遺蹤移舟更欲歸城市惆悵青山日暮鐘

山巔有閣名千頃雲

寺前千人石生公說法處

東平遇雨

急雨來東郡蕭蕭亂入雲禱祠諸路見亢旱一春聞
風疾吹疑斷天高灑易紛都饒萬民望吾亦洗炎氛

蓮花淀舟泛

雄縣

沿洄洲渚異演漾水雲空綠荷初冒日青蘋解起風
唳鶴橫天迥眠鷗炯雪同會意聊自適望美轉難窮

盧溝橋

揚句是古選

逝波與行客汨汨無時休
猗蟠明積雪虹飲巨長流
曉月迷征騎春沙壓弊裘
經過道傍寺喝思且淹留

憶鈴山寄溪亭明府

小逕升堂綠檜長翠屏
終日對鈴岡丘園物色閑
閑在朝市風塵事事忙
尚憶琴尊同笑語最憐風雨發
舟航朝來馬上逢鄉使爲寄新詩當八行

南京戶部後池雙蓮同幹大司徒王公邀賦

朱夏尚書省池蓮表異祥
絳葩開並蒂青乳結連房
晝夢紅雲麗披翻翠蓋
長文鴛紛比翼振鷺儼分行

引類何猜妬凌波故頡頏
靈妃泛湘浦趙女入昭陽
照月平分影迎風倍有香
瑞呈鮫室外盛過鯉湖傍
早曠憂方劇芬敷理詎常
氣和占聖世地重切公堂
嘉木歆連理靈芝頌九光
予慚職歌頌留賞濫華觴

鈴山堂集 卷第六

鈴山堂集卷第六

鈴山堂集卷第七目錄

詩留院業

初拜留院少師相公贈詩用韻拜酬

奉酬汪石潭宗伯

奉酬翟石門兄

夕次潞河懷寄館閣僚友二首

奉迎 慈聖歌

東昌驛下逢少保鵞湖相公赴召敬抒贈賀

德州董子廟

翰林齋宿

鈴山堂集 卷三目錄

鈴山堂集 卷第六

鈴山堂集卷第六

鈴山堂集卷第七目錄

詩留院業

初拜留院少師相公贈詩用韻拜酬

奉酬汪石潭宗伯

奉酬翟石門兄

夕次潞河懷寄館閣僚友二首

奉迎 慈聖歌

東昌驛下逢少保鵞湖相公赴召敬抒贈賀

德州董子廟

翰林齋宿

鈴山堂集 卷三目錄

汪司成學省齋宿寄贈

禱雨曉出神樂觀

欽佩南原草堂集別

黃伯固奉表入賀餞以是詩

張子常甫自翰林出督學旋以病告寄贈

新作院署之堂汪司成先生有詩用韻和酬

和郭司業官舍閒咏

酬和少宗伯汪先生省中步月見懷之作

石潭先生榮進吏侍兼副史局用韻酬贈

送王中丞赴召

贈林大理茂貞

楊侍御使蜀

待月集宗伯鳳山邸第

送禮侍吳公赴召

蔣戶侍省墓送贈

贈邵僉憲

奉送司寇趙公入覲

贈寇京兆

贈邊太常黎銀臺北覲

暮春神樂觀餞方使君

贈少司寇胡公赴召

贈太宰羅公歸省

大司馬廖公致政

贈楊月湖先生

寄壽少傅遂翁先生

大宰楊公考績送贈

送司徒秦公入朝

觀雪登清涼山餞秦司徒

送魯給事之江西

贈寇都憲赴鎮

送邊都憲召掌北臺

顧山人壽詩

朱潤軒壽

徐氏東園觀梅

喜雨二首

喜雨和胡都憲

喜雨和汪宗伯

喜雨和秦宗伯

喜雨和郭司業

贈友

金山堂集 卷之五
簡尚賓將歸賦贈

贈葉刑部

吳司空舊家嘉魚有東湖徙居蒼梧作東湖書

院命予賦

題羅太守畫

聶君持梅雪卷請題走筆贈之

無錫茹氏惜陰樓其先世所創民澤請題

酬陸司業見寄秋懷之作

登金陵觀音山

和顧東橋憲長遊天界寺之作

寄壽高仰峯先生

蔡氏濬永阡

鈴山堂集卷第七

詩留院藁

漁石唐龍

升菴楊慎評點

初拜留院少師相公贈詩用韻拜酬

金陵樓閣倚天開
玉署晴雲覆禁槐
薦賦敢晞文似者
拜恩真荷帝俞哉
鴻鈞播物寧論德
豹管窺斑却愧才
拭目廟堂歌喜起
五星重聚鳳凰來

奉酬汪石潭宗伯

八座高街禮絕攀
兩朝清望重於山
招延雋老皆登

臺灣國家圖書館, NATIONAL CENTRAL LIBRARY, TAIWAN, R.O.C.

用揣量非才合置閒駑駘豈復思千里廣廈終期庇
萬間誰意用儒逢世理一尊相屬重開顏

奉酬翟石門兄

春明別棹問南京誰道君猶美我榮戀闕已瞻紅日
遠忝官仍喜玉堂清鳩巢計晒經營拙魚飯心憐去
住輕十七年中同宦侶細論離合倍關情

夕次潞河懷寄館閣寮友

朝遊燕臺上夕宿潞河濱空洲牽積水廣陌足流塵
情憶離尊滿年傷別袂頻玉署星辰切金陵月露新

二

虛薄忝朝籍文館廁英寮蘿施攀松栢葭倚接瓊瑤
鳥有同栖樹魚憐獨上潮江海參辰隔流盼極春霄

奉迎 慈聖歌

綠水雲搖帳殿開龍艘日照錦帆來千盤玉膳分船
進百騎銀璫奏御回

御氣金門起鬱蟠至尊當殿候鳴鑿玉食直移九州
養龍樓長奉萬年歡

濮園議禮伸輿論代邸崇恩本聖情正陽文母遵門

入五鳳英皇却輦迎

先是禮官議
聖母從東安門入

御批從 正陽中門
上出迎至午門

東昌驛下逢少保鵞湖相公赴召是日大行人
齋勅迎勞適至敬抒贈賀

直道誰云竟忤時如公親結九重知大賢出處關朝
運聖代謀謨重鼎司龍紙纔開天咫尺使軺重遣路
逶遲試論再入中書事文呂于今復見之

潞公文
穆也

德州董子廟

董生讀書處寂寞臨高臺門牆窺孔室編簡拾秦灰
業守三餘積官存一畝開墨池春草遍園木晚禽來
獨有賢良策人稱王佐才

翰林齋宿

郊禋元歲盛聲明玉署深寒宿舊京長樂聽鍾天已
遠鍾陵對雪夢猶清池頭星斗歸環珮城上風雲颺
旆旌鷄侶此時皆侍從綵毫春色賦初成

汪司成學省齋宿寄贈

清宵琴鐸靜齋廬悵望無因奉起居寺近獨吟孤嶂
雪燭明親校六堂書雲中比翼瞻鴻鴈河畔開緘憶
鯉魚漸擬謝池春草發清詩幽夢復何如

禱雨曉出神樂觀

燈火嚴城啓樓臺秘苑通精明石壇月婁斷栢林風
望極仍延佇憂深尚蘊隆瓣香勤祝史何以格皇穹

欽佩南原草堂集別

梁苑乘驄馬秦淮掩竹扉因憐奉丹詔不得羨荷衣
古屋秋山近清池夕鳥飛故人從此去吾至欲何依
黃子伯固昔爲兵部郎官率同列諫止巡幸被
杖斥歸今上登極起爲南京大理丞奉表
入賀餞以是詩

明到鳳樓聽漏日漢儀重覩淚堪垂伏蒲舊侶誰同
在薦藁芳名帝獨知驪駒逸步諳長道鶴鷺崇班戀
赤墀憑將金鑑千秋錄爲獻南山萬壽卮
張子常甫自翰林出督學旋以病告寄贈

登朝與子最情親院宿郊遊事已陳蹙失鳳池官自
好重歸山逕業猶貧遍栽松菊疑真隱且廢謳吟惜
病身燕乳蝶飛烟草綠相思難寄秣陵春

新作院署之堂汪司成投贈佳篇用韻和酬

偶鋤荒圯得清深更置芸編對素琴涼吹瀉軒翻竹
韻朝陽臨砌捧葵心高依鳳闕知天近淨掃蛩堦與
月侵幸有大賢携晚進文觴幾度愜幽尋

金鑾西畔玉堂深鳳沼雲泉滴暗琴已藉典謨開駿
業更留烟月寄閒心池栽脩竹藏鴛語亭覆荒碑見
薜侵牛渚故逢仙子問桃源不遣世人尋

金山堂集 卷七詩
和郭司業官舍閒咏

堦西衆山處重到有餘情地是名賢宅庭栽古栢成
夕嵐迷疊嶂秋雨過高城最愛攤書坐窓燈映竹清
大宰羅整菴昔居此有所植栢存

二

前日瀛洲侶同來白下居真能忘爾汝時復到堦除
魚筍供常宴朱鉛校古書南都官况僻慙免聽朝車

三

池寬新雨後山翠夕陽時秀句無心得幽懷只自知
暮鍾來古寺秋槿徧疎籬欲踐移尊約新涼月色宜

酬和少宗伯汪先生省中步月見懷之作

南宮風露溢清寒華月當窓轉玉盤始信仙蹤隔塵
土漫憐浮世有悲歡茶烹石鼎分池雪香爇金鑪和
澤蘭忽荷雲章寄瓊署欲携春興伴花壇

夜深高咏在虛亭無柰蟾光影竹青對樹棲鴉眠自
在傍城更柝語丁寧歌餘白雪翻瑶瑟興入滄洲拂
畫屏人事故逢清景少賞心長爲碧雲停

石潭先生榮進吏侍兼副史局用韻賀贈

鳳日龍霄近欲攀仙蹤元只在蓬山盡誇榮寵從今
盛長擬門庭似舊閭羣才總屬陶鈞地一字猶嚴袞

金華山堂集 卷之七
送王中丞赴召前在豫章有平難之績

斧間當日相從今遠別玉堂涼月夢清顏
送王中丞赴召前在豫章有平難之績
繡斧清霜避樓船綠水開風雲千層會麟鳳衆賢來
投老仍嚴召當途賴上才向來籌策地投檄淨烽埃

贈林大理茂貞

爾別河橋繫我思柳枝攀贈綠烟絲中興奏議看前
輩南國聲名重棘司今古祇應榮節槩 聖明奚忍
負恩私明庭此去觀葵契好續徂徠聖德詩

楊侍御使蜀

江草萋萋江水長使節聞欲度瀟湘開帆夜坐星河

色載筆春吟杜若香絲繡過家非舊服皂囊還闕有
新章西州五月無炎暑應避青驄滿路霜

待月集宗伯鳳山邸第

風梧翻夕籟雲葉漏輕光東林初上月華館更留觴
寅清欣務簡宴語接宵長方占德星聚復咏棣華芳

時公弟
初至

送禮侍吳公赴召

文昌星彩動南宮徵拜三卿寵數崇承旨故隨宗伯
後致辭初入謝班中披雲近覩長安日擊水高搏渤
海風朝省事頻間日少回看烟月憶江東

蔣戶侍省墓送贈

楚江秋潦淨巴嶺夕雲重烟鳥隨孤舫鄉山到萬峯
窓園餘舊菊墟墓長高松國計遙相待期君隔歲逢

贈邵僉憲

幽蘭閔芳馨白璧懷堅貞端居不踰閼奕奕當世名
剡薦馳雲陛鶴書貫柴荆直道昔忤時今爲士所榮
始感白日照親見黃河清恭翼承皇命慷慨發脩程
驄車列城避鳥道千峯行水郵經楚甸海嶠浮昆明
飲水徇苦節擊隼蜚英聲揮手自茲別許身良不輕

奉送司寇趙公入覲

羣公得句鏘鳴球司寇引杯登綵舟金函奉表江東
發銀漢乘槎天上遊六月滄洲不知暑夜泊風烟渺
何許遠勢斜分清泗流新京早入長楊樹羨公懷抱
有餘清臨流見月幾詩成調高白雪誰同和行愛青
山自問名公今去國已經時星履重來上赤墀臯陶
淑問持邦憲闕道清忠結主知純皇當日擢羣
英三十餘年並列卿廟堂正藉經綸業江海猶傳水
蘖聲

贈寇京兆

宦情鄉思渺難裁悵望春帆帶雨開芳草不堪頻送

金山堂集 卷七詩
客暮雲何處獨登臺閭闔解說循良政廊廟元須卓
異才借問府中林館勝棠花應候使車回

贈邊太常黎銀臺北覲

兩脚南國望同上赤墀行接羽鶴鸞貴論言玉雪清
冠裳臨偉餞風雨發嚴程遙羨川途興新詩幾許成

二

莽莽龍河雪雙帆幾日開亦知從此別已是隔年回
珂馬春城並衣冠曉仗催驛亭梅柳色來往送行杯
暮春神樂觀餞方使君

登臨南郭久相期忽漫看山是別時童子正宜春服

咏使君莫爲一尊辭林中坐石焚香靜花裏穿雲出
洞遲欲贈美人無縞紵石壇折取古松枝

贈少司寇胡公赴召

秣陵佳勝幾招邀公去風騷歎寂寥耆俊總登台鼎
地乾坤今覩聖明朝鷗鵬擊水辭瀛海鶴鷺排雲上
紫霄黃花送酒期留醉滄浦鳴榔惜去遙

贈太宰羅公歸省

寧親詔賜驛舟行祖席南都盡列卿裴宰重名懸水
鑑秦公家範列簪纓日臨化國春逾永星映澄江德
共明已報遠書傳勿藥要知虛席待持衡

大司馬廖公致政

兩都清望許誰先留鑰恩深遽引年陵路曉辭松罷
雪江船春坐水連天山林歲月從今得編簡勲名與
世傳舊里龍灣草堂勝手栽松菊故依然

贈楊月湖先生

塵外高蹤何處尋白雲依岫鳥歸林才於濟世施難
盡學爲逢原得最深獨抱韋編間自註靜觀庭草坐
長吟門牆已隔春風地江漢徒懸北斗心

寄壽少傅遂翁先生

累朝望重經綸地五畝情怡水竹間天下正須安石

起洛中猶放凍翁閒詩尋下卯橋邊宅舟放金焦寺
裏山毬馬燁如尊俎勝隱園高會渺難攀

大宰楊公考績送贈

相業當朝文敏最直看家學到今公笏牀經笥傳何
遠岐鳳郊麟瑞本同政以經綸歸重望久知清白振
高風國恩世受何爲報多在山公啓事中

送司徒秦公入朝

劔履乘春上玉墀梅花度臘送行卮承明宣室元相
待鷺淑鍾陵無到時江上流移何日少眼中經濟屬
公宜東曹齋閣松陰在幾借前籌退食遲

金山堂集 卷七詩 九
觀雪登清涼山餞秦司徒

巖壑風烟積樓臺氣色寒祗園最高處飛雪更宜看
鶴近瑤空舞花依綺席漫中臺趣嚴召南斗寄餘歡
送魯給事之江西
遠別逢春望轉迷柳條繁綠草新齊回看紫禁烟霄
上獨宿征帆楚水西事往不堪聞戰伐憂分行可慰
黔黎城邊高閣臨江在間對山雲續舊題

贈寇都憲赴鎮

上谷風烟鉅鎮開雄關疊嶂鎖紫迴山川故識鸞輿
幸戎落新驚繡斧來咍牧總叨明聖力保釐多倚憲

臣才秋城落日烽塵靜倚劔遙登萬里臺

送邊都憲召掌北臺

詔書宣召北門歸戀闕懷鄉願不違行愛雲山過舊
里步紆星履上彤闈朝廷正倚臺綱重天日長瞻帝
座輝雄峻古稱三獨坐百寮回首避霜威

顧山人壽詩

最憶蕪城車馬地草堂花竹淨風烟地偏廛市同真
隱貌古衣冠似列仙清愛碧簫吹海月靜看玄鶴舞
芝田綠蒲青艾俱生色歲歲開尊午日前

朱潤軒壽

他鄉獻壽逢新歲同里相過總近親行樂不妨時序
改交驪惟有酒盃頻岸花檣燕能留客對水看山不
負春聞說揮金多義事江城無限待鋪人

徐氏東園觀梅

東閣開筵雪樹春主情花意共清真似憐標格初經
眼自識芳香久襲人鸞鴛故移天上種珊瑚不受世
間塵習池賓客俱名勝雅尚從知德有鄰

陽日清
新可詠

喜雨

南國夏無雨鍾山朝出雲精虔三日禱甘澍萬家分
野愛商羊羽池憐蜥蜴羣康衢今日頌一飯是吾君

二

卧聞清雨至蕭颯浣煩襟開軒進荷氣閉院靜鶻音
鳳沼流泉細彤樓隱霧深隱几聽脩竹何異在中林

喜雨和胡都憲

沾席敲窓慰客心院池新水坐來深煩襟正解塵中
渴好事如聽谷裏音霏霏總隨和氣洽蕭森時逐遠
風沉天公只借須臾力明日郊原看綠陰

喜雨和汪宗伯

悵望星河作夜晴曉聞零雨度高城乍迷雲岫氛氳
合亂入槐軒浙瀝鳴正有清涼破炎毒可無新句答

高情郊原明日堪攜酒自喜吾兼吏隱名

喜雨和秦宗伯

焦枯何計訛吹噓一雨全勝萬斛珠看舞商羊應得意聽鞭蜥蜴最憐渠涼開竹簟眠方穩日飯盤蔬味自腴志喜有詩傳畫省巴人慚和郢歌餘

喜雨和郭司業

入秋忽聽翻江雨長夏空瞻落檻雲頓失塵熯淨如洗乍迷山翠杳難分民情正望倉箱富神薦猶憑黍稷芬更喜清涼慰幽獨簡編遙夜坐膏焚

贈友

大江渺千里金陵屬五雲在棹特垂訪念子意何勤
久客懷故知相見各欣欣且復話鄉邑不厭窮朝曛

二

留都羅群署詞林最蕭闔古屋陰槐栢時見簷前山
圖史紛座隅披翫豁心顏與子坐永日清風竹珊珊

三

奇崛感慨頗謝之問
北風吹層波高帆疾於馬矯首望雲山日夕到鄉舍
親友慰遠歸春杯正堪把故園多所歡薄宦何爲者

簡尚賓將歸賦贈

相留忽是一年期落葉西風話別時賓館寂寥寒榻

在吏情涼薄故人知舟衝霧雨帆飛遠書憶鄉園鴈
到遲明日古槐修竹裏玉亭吟坐復同誰

贈葉刑部

把酒逢宵月登車犯早寒逶迤涉遠道日夕望長安
霜蹄看驥展風翮羨鵬搏以我僻居者殷勤懷所歡
遲歸秣陵署高咏對雲巒

吳司空舊家嘉魚有東湖徙居蒼梧作東湖書

院命予賦

問訊東湖第司空此卜居清瀾堪悟道石室可藏書
野綠開裴閣花香引邵車蒼梧轉竒勝風景似嘉魚

題羅太守畫

何處林居好移來庭壁間風泉留噴薄雲嶠鎖孱顏
谿憶浮槎到峯疑采藥還郡齋收印坐知爾飽看山

二

谿山盡瑤素曉霽更宜人
不悟梁園雪虛疑芳樹春
剡舟乘興逸郢曲和歌新
懷君當此夕難澣渴心塵
聶君持梅雪卷請題走筆贈之

鷺沙尺書何日傳聶君近泊金陵船到門覽刺亟出
迂丰度雅樸神脩然書云此君樂幽尚十年寄跡江
湖邊平生愛梅有真癖梅雪自號爭清妍瓊姿綽約

種萬本茅屋正在春風前芒屨緩步石逕月拄杖獨
往青林烟有時臨流發孤嘯風致鬚髯疑逋仙只宜
跨驢學肩聳那復騎鶴思腰纏青蚨沽酒與之醉散
髮岸憤歌青天吁嗟聶君亦不俗揮毫贈爾梅花篇
無錫茹氏惜陰樓其先世所創民澤請題

如翁讀書處高樓名惜陰捲幔燈烟在開軒草帶深
古人勤志業我輩得規箴爲誦陶公傳千秋見苦心
酬陸司業見寄秋懷之作

書囊藥裹鎮吾隨岐路東西豈預期多病祇憐癯骨
在素心惟荷故人知遊魚遠水書難寄碧樹高雲意

每遲鰲禁掖垣追逐地獨慚虛薄冒恩私

雲海滄茫隔鳳臺兩年剛得一書迴敢將膠漆期君
並莫爲陰晴與世猜往日詩篇常在把幾時尊酒定
重開龍山又是茱萸節珍重登高作賦才

登金陵觀音山

江閣憑虛似幻成綠崖蒼壁有人行波晴日抱鼉鼉
窟天險山圍睥睨城萬里濤瀧爭赴海八埏琛帛盡
朝京誰能數到層軒坐臨水看雲失宦情

和顧東橋憲長遊天界寺之作

素衣不受市塵侵虛谷超遙見此心苔徑客吟猿鶴

金山堂集 卷七 詩 四
靜石牀僧定薜蘿深高賢有意依蓮社開士何年建
驚林更借玉琴酬雅興欲憑瑶草寄幽尋

楊回全
首肅括

寄壽高仰峯先生

勲業三朝重年齡八表高名應書汗竹壽及薦蟠桃
天遠冥鴻跡池新綵鳳毛聖明頒異寵賜誥賁林臯

二

鄉里論耆舊惟公五福完壽鄉餘日月憲府重衣冠
老鶴昂仙骨貞松耐歲寒青雲誇令子更折桂枝看

三

昔奉秋堂宴今歌雲海篇追趨懷杖履瞻望禮星躔

臺傍重門近洲分碧水連秫田新報熟歌醉入豐年

蔡氏濬永阡

露草眠牛集雲松弔鶴來黃山開碧嶂蒿里闕層臺
哲士今亡矣高風日遠哉淵源尋舊德梁木歎遺材
不見丘原起惟餘風樹哀諸孫寒食裏日暮莫椒回

鈴山堂集卷第七

鈴山堂集卷第八目錄

詩

奉送大宰楊公赴召

送汪吏侍先生

至日信州懷寄汪石潭宗伯

弋陽遇贈舜卿翰檢兼寄用修殿撰

送凌司訓

兩泊鳳洲酬寄朝望太守

遊洪陽洞

曉濟鄱陽湖

鈴山堂集卷第七

鈴山堂集卷第八目錄

詩

奉送大宰楊公赴召

送汪吏侍先生

至日信州懷寄汪石潭宗伯

弋陽遇贈舜卿翰檢兼寄用修殿撰

送凌司訓

兩泊鳳洲酬寄朝望太守

遊洪陽洞

曉濟鄱陽湖

泊弋陽江

夕會顧官諭兄姑蘇驛下

姑蘇城中少傅王公怡老園子貞中含邀集

怡老園後池集

虎丘臨眺和朱侍御

二首

題悟石軒

賦少宰汪公西溪草堂

盤谷歌爲司寇高公賦

題胡使君可泉

蕭子卜居梅林賦贈

學士崦西兄論秀還朝次京江有詩見寄次韻

奉酬

閣學吳公省墓例贈

贈張建寧太守

送葛刑部慮囚

經筵呈館閣寮長

經筵進講畢還至國庠會寮屬諸生聽講

送李若溪僉憲

送羅南康使君

贈柳州桂二守

贈簡少府

贈鄭南昌復官昔與逆藩之難

大理湯公壽詞

送趙司空致政

送秦司徒致政

送鄭刑部之南京

送吳學士視篆南京

陳監丞父壽詞

費氏橫林孝友堂詩為學士鍾石賦

經筵宴罷有述

賞荷劉司空部署次韻

夏日李公薇園燕集次徐少宰

徐養齋方棠陵偕至喜而有作用浚川少司馬

韻

鳳圖為宗伯序菴公題

九日登戒壇寺閣

和陳司馬元日早朝

寄壽少傅木齋謝公二首

贈別汝湖學士

崦西徐少宰省中藤花開有詩予同作

寄贈宮保白樓吳公

贈劉梅國都憲

贈許學士歸省

贈費司訓之山陰

答用修見贈

用修殿撰惠予蜀中雲根竹筆

用貞中舍贈雲根竹茅筆各一

夢竹卷題贈胡世貞光祿

鈴山堂集卷第八

詩留院藁

漁石唐龍

升菴楊慎評點

奉送太宰楊公赴召

象德家聲遠登賢國論公泰應占世運聖已識淵衷
聽履星辰切持衡水鑑同構堂資柱石補袞藉山蟲
熙洽隆殷祚高明達舜聰平章均四海峻絕冠群工
霖雨收輿望丹青肖祖風四朝推練達一節想清忠
播物鴻鈞大掄材杞梓充山濤能薦士王旦不言功

猷告寧聞外謨詢待折中正容亡儉側軫慮切瘵痼
祖席逢秋淨王畿屬歲豐競看威鳳集周雅咏梧桐

送汪吏侍先生

叨隨鍾阜瞻依近悵別江波跂望勞長奉清言過玉
署重聞仙步上銓曹時艱靜睹紆籌定國議新陪出
論高願坐廟堂同水鏡總收賢俊入甄陶

至日信州懷寄汪石潭宗伯

至日題詩信州驛泊舟虛館近寒汀江潭歲晚蛟龍
蟄巖壑霜餘檜栢青鳴玉尚思金殿直移文深憶草
堂靈謝公正在東山畔日對雲峯看翠屏

天畔登臺望北辰三迴已隔御筵春冰霜暗惜年華
老棋局頻看世事新安得梅花逢驛使欲憑瑤草寄
佳人白鷗片片風湍急捩柁衝星下遠津

弋陽遇贈舜卿翰檢兼寄用修殿撰

京國何時出舟航此地逢批鱗叩龍闕塌翼下鰲峰
天地生全德江湖汗漫蹤相留話今夕明發楚雲重

二

兩賢俱侍從萬里各風埃鳥道青冥外誰憐逐客來
醉歌頻擊劔愁望且登臺珠樹同棲鶴蓬山遲爾回

送凌司訓

沅湘從此去孤棹雨冥冥烟嶼宜春望林猿足夜聽
青雲誰假翼白首嘆窮經明日河陽酒思君草色青

雨泊鳳洲酬寄朝望太守

厭聽高城雨還維古驛舟瓊枝那近眼烟浪遞生愁

二

鴉濕波翻木鷗喧雨滿洲離心何處是暝色載孤舟

三

鳳洲幾回至一至情眷眷佳期渺未忘薄別寧當怨

四

山閣憶春臨渚花宜晚望不共灑西遊空懷郢中唱

遊洪陽洞

鶴馭鸞驂去不回林扃岫幌客頻來洞門日照烟蘿
發巖竇泉飛雪屋開始驚竒僻非人境更愛攀臨坐
石苔迴輿出谷千峯暝猿嘯禽啼萬壑哀

曉濟鄱陽湖

鳴榔發荻浦擊楫過蘋洲晶晶霞日爛盈盈天漢流
遠帆征未息高鳥去何求汗漫江湖志吾人幾度遊

泊弋陽江

客思增悽斷風湍渺宿留雲來津樹黑雨集浦帆收
作宦逢揚閣辭家感麥秋龜峯嵐霧裏心賞若爲酬

夕會顧宮諭兄姑蘇驛下

共憐揮手別鰲峯烟水吳洲此夕逢
世事祇應論塞馬春雷正合起潭龍
坐闌紅燭談猶健折贈瓊枝意
自重借問昔時鴛鴦侶幾人同聽鳳樓鐘

姑蘇王少傅怡老園子貞中含邀集

宛似入雞山寥寥雲壑間攀松上巖翠
憇石坐苔斑霄漢清班接林園樂事關
昔遊陪劔履輝赫想台顏

怡老園後池集

竹逕蘿烟翠且重行尋幽洞失前峯
因攀巖下叢生桂故識雲中舊種松
樓臺碧水虛相映車馬高門日

自容猶道綠尊歡未盡別來深院起歌鐘

虎丘臨眺和朱侍御

泊舟禪逕石門通徙倚湖天望不窮
正掃書壇拜和靖猶開梵塔禮生公
汀洲晚浸蒹葭水臺殿晴呼松栢風
惟羨觀風驄馬使清遊麗句滿吳中

翠嶺晴烟鎖鷺峯玉泉陰洞隱龍宮
高攀雙樹青冥上俯瞰三吳宿霧中
沙浦斷雲低度鳥石林修竹靜吟風
禪房水石佳遊在塵世滄桑浩劫空

題悟石軒舊傳生公說法石爲點頭軒以是名

盤石寺門前相傳聽法年襲訛僧善幻
賞勝客猶憐

松桂流寒月藤蘿起夕烟未須談寂理聊此息塵緣

賦少宰汪公西溪草堂

山輝知玉韞淵靜識龍居古邑名賢里膺門幸到予
開堂瞻劍履登閣覽清虛積翠羅千嶂分流貫二渠
夕雲生畫障春水動鷗魚庭愛森瓊樹門看擁駟車
玉牀留貯笏丹壁會藏書直道中朝仰高名北斗如
鳳凰需寵詔蘿月卧林廬理愜心彌逸神閒體自舒
萍遊奉佳論臨別意躊躇

盤谷歌爲司寇高公賦

樂清山水天下奇中間茗嶼更逶迤坤靈勃鬱萃元

氣何人卜築開新基高公百年草堂在林色川容未
曾改地隔桃源長子孫村標盤谷名江海盤谷幽棲
自隱君後人濟濟藉芳薰一溪桑梓橫青野九畹蘭
蓀結綵雲堂下陰森滿松栢風雨泠泠護幽宅歲時
蘋藻薦明馨階前半是朱衣客司寇承恩著錦袍江
山掩映羅旌旄後來傑出况非一上下彩鳳看翔翱
禮成叙飲復酬倡接盞飛觥各相向里閨風猷出故
家朝廷禮樂歸群望吁嗟平湛恩餘慶奕世存路人
盡識于公門請君試聽歌盤谷昔日三槐安足論

題胡使君可泉

金山堂集 卷八
秦安卦山北相傳有異泉胡公讀書處釣月弄潺湲
漱玉雲根淨牽蘿雪瀑懸夜絃翻雅調春甕瀉芳洄
江海覃餘澤山林結靜綠鑑澄心比瑩膏潤暘同蠲
地以高賢勝圖將美蹟傳次山文筆健巖石幾銘鐫

蕭子卜居梅林賦贈

如建自佳
溪上梅花玉作林溪邊茅屋苦寒侵孤山倚棹逢詩
興潁上移家見客心日晚漁歌來浦漉雪晴花色上
衣襟風塵擁傳勞為郡時向滄洲寄一吟

學士崦西兄論秀還朝次京江有詩見寄次韻

奉酬

悵望使星天漢上欣傳書札海雲邊即從玉樹看顏
色却以飛蓬感歲年南國文章留藻鑑北扉冠佩近
鑪烟追攀莫及空相憶吟對寒流月滿川

閣學吳公省墓例贈

出郭烟霜破曉晴賜舟津吏報嚴程青春故及還鄉
樂黃閣應看扈 聖榮家有絲綸三世貴學惟忠孝
百年情天平泉上知回首手種松楸次第成

贈張建寧太守

武夷烟月鎖潺湲露冕春行碧嶂間粉署却辭仙直
遠滄洲故與吏情閒朝廷政賴循良寄閭巷風從揖

讓還精舍考亭松桂在爲收遺籍副名山

送葛刑部慮囚

久持憲簡推高步
遠下星輶捧德音
漢使光華聯命
出虞廷欽恤
霈恩深春從化
筆回膏澤日到園
扉仰
照臨共道于門多
世德駟車重駐越
江潯

經筵呈館閣寮長是日子與寶宮贊講尚書說

命孟子國君進賢二篇

芻蕘何語可聞
天敬展瑤篇
洞案前從諫願逢
明后聖審官期用
國人賢
壺添玉漏移晴旭
香近金
爐引瑞烟
幸奉太陽依
未照愧從滄海託微涓

經筵進講畢還至國庠會寮屬諸生聽講

翠華仙殿說經回
冠帶橋門講又開
豈有涓埃裨
聖學獨慚模範育
英才雲龍嘉會逢
明代奎壁祥光
應上台聽誦唐虞
風噩爾載歌琴瑟
思悠哉

送李若溪僉憲

別君南國若爲情
聚首無端復送行
同里衣冠知己
少外臺風紀拜官
榮枕椰夜宿蠻中
驛金鼓晴登嶺
外城儒術古來經
世用直看尊俎坐
談兵

送羅南康使君

猶煩領郡赴江千
千里南州路未難
遺愛舊栽棠樹

徧別懷今放酒盃寬山深洞可尋名蹟家近書能慰
母歡見說府中公事簡五峯蒼翠倚樓看

贈柳州桂二守

南登桂嶺道却上楚鄉舟賦就江籬晚書回旅鴈秋
山形攢劒戟方語雜旃裘好種江邊柳還將惠化留

贈簡少府二首

御史一溪
之仲父

客舍依蓮宇清風滿竹林愧予懷短刺長喜得幽尋
旌節梁園迴雲山楚甸深別離明月共千里寄同心

二

爾向滇中去官程柰遠何雲峯當馬峻霧樹聽猿多

郡僻逢迎簡天南氣候和相期敷惠政早入遠人歌

贈鄭南昌復官昔與逆藩之難

黃綬欣看復在身却論前事益沾巾江關亂後餘殘
壘棠樹春來泣故民人情閱世從翻覆直道憐君有
屈伸已喜拜恩同雨露可堪回首憶風塵

大理湯公壽詞

廷尉當朝彥榮名晚節全棘堂卿月迴天署法星懸
魏闕班頻入巴山使久旋邊陲經畧後旒冕對敷前
議政過松披聽經侍翠旃禮看優寵渥貌不怠恭虔
利鏑餘盤錯貞松閱歲年書雲逢令節彌誕秩初筵

金山堂集 卷之三
却老傳真訣陰功格上玄于公曾活獄貢禹解惟賢
宅蔭宮槐近窓迎海日先願言躋壽域長此奉堯天

送趙司空致政

嶷然冠劍漢司空出入三朝操履同事忤貴人知節
槩心憂王室見清忠俞章賜允 皇仁大薦剡留賢
物論公遙羨高蹤去塵網雲霄萬里一冥鴻

送秦司徒致政

履聲長聽殿東墀祖席春明是別時去國二賢輿論
惜登庸八座大名垂雲霄路隔冥鴻遠江渚情牽碧
草思莫謂東山成穩臥蒼生應有謝公期

送鄭刑部之南京

人事無端類轉蓬更勞分署過江東三年臥病烟霞
隔尊酒逢君笑語同地勝湖波浮几席秋深庭菊傲
霜風蕪城亦是桑乾路望近橋陵紫翠中

送吳學士視篆南京予舊領此職

二年相逐喜同聲幾度塵沙並轡行新握院章當妙
選重吟江樹動離情蓬瀛地接金鑾近城闕天開碧
嶂清借問舊堂脩竹在壁間虛薄愧題名

陳監丞父壽詞

壽酒新開秋露盤草堂高隱碧雲端花邊玉杖閒堪

金山堂集 卷之九
挂篋裏丹經老自看濟郡伏生還授學鹿門龐叟只
遺安膠庠有祿能分養恬淡無心羨達官

費氏橫林孝友堂詩爲學士鍾石賦

地擅溪山美鄉稱德義門衣冠先澤遠詩禮古風存
瓜蔓綿相引槐陰綠正繁傍巖開甲第繞砌樹芳蓀
疊嶂芙蓉峙飛流玉練奔赭亭春秀茗績石夜聞猿
蘿幌攤書靜萍池洗墨渾釣遊仍舊里騰翥並天闌
黃閣崇師保中朝偉弟昆朝回珂滿路燕集醴盈尊
遺範元無改殊恩詎可論祇應傳五桂名比寶家村

經筵宴罷有述

袞席龍盤展仙班駢列行賜筵沾玉醴歸袖帶爐香
身到鈞天近恩垂湛露灑聖朝儒學貴虛薄愧明揚

賞荷劉司空部署次韻

東省盆荷初夏開綺筵晴旭淨風埃氣和嘉瑞先時
見地迥靈根近日栽鏡水綵雲頻對酒露盤仙掌獨
登臺尚書星履朝天罷每爲紅芳竹逕來

夏日李公薇園燕集次徐少宰

堂軒地迥開新築松檜年多長舊園涉逕忽驚炎暑
失尋詩故與俗情違池邊折芰留連坐竹外移燈酌
酌歸遙想紫薇花上月清宵獨對謝玄暉

徐養齋方棠陵偕至喜而有作用王浚川韻
江上新傳李郭舟鶴汀鳧渚羨清遊誰知今雨來千
里似憶佳期渺十洲梧竹越山棲綵鳳風雲天路引
驂騑相留擬下南州榻醉裏狂歌海月秋

鳳圖爲宗伯序菴公題

鳳飛千仞宿崑丘饑食竹實渴飲滄海流人間此物
不易見云胡得之置在中堂幽矍然注視使我疑文
彩照座光陸離初驚素壁開丹穴忽辨朝霞捧赤曦
騰輝絢景瀾東海積石方壺渺焉在羸女簫聲隔彩
雲緜仙笙韻流蒼靄憶昔重華稱盛治覽德呈祥曾

一至周京載見岐山鳴邇來千載不復聞其聲祇令
粉墨丹青空爾形方今 聖人在位寰宇清豁廓氛
曠登休明鏘鏘韶濩諧靈奏藹藹馮翼充王廷吁嗟
乎人中之鳳乃所珍我愛南宮上卿美且仁格天事
業歸寅直華國文章重縉紳昌辰更賦卷阿什化日
高翔阿閣春

九日登戒壇寺閣

梵閣千峯裏征驂九日來松蘿禪逕入龍象法筵開
黃菊寧簪帽青蓮獨上臺如堪授真戒吾此息氛埃

二

塵跡何因到名山不易逢谷深微辨徑寺近始聞鐘
古樹寒飈急幽軒夕翠濃菊觴違雅集相憶在高峯

是日學士汝湖
邀集予不及赴

和陳司馬元日早朝

袞袍當殿識威嚴黃表開函近御筵舜堯莫欣載
紀日華天表慶同瞻赤葵心向青陽吐豐草恩隨湛
露霑聞道塞垣新撤警聖謨賢略已先占

寄壽少傅木齋謝公

孝廟看遺老明公獨巋然向非平格壽那覩中興年
劔履重趨闕純誠自格天要知敦薄俗湖上有歸船

二

再入中書日諸生得重親伏宗瞻氣象龍馬美精神
正喜謀衢室旋聞偃渭濱高樓限巖壁壽筭若爲陳

贈別汝湖學士

少年擢第勝瓊枝同在清朝白玉墀漸老不堪仍送
別後期何地更傳卮橫經帝幙皆稱貴載筆綸闈已
訝遲剡水越山深駐馬因看春草一相思

崦西徐少宰省中藤花開有詩邀予同作徐昔

侍外舅守溪公授經于此今繼踐其職云

華省曙沉沉朝回坐密林竹風增爽氣花露淨朝陰

軒靜馴孤鶴牀空對素琴皆言公輔貴仍有薜蘿心

二

地是留棠舊人應比玉清獨攀東省樹猶憶下帷情
蘿映攤書靜花增染翰明天庭多雨露歲晚共芬榮

寄贈官保白樓吳公

却憶吳門濠上居草堂高閣瞰清虛青宮舊識尚書
履石室應藏太史書開檻海鷗依釣席移尊山鳥候
籃輿鴻冥鳳翥誰堪似邠桂莊椿慶有餘

贈劉梅國都憲

保釐東土新恩下制置江淮後命催當署棠陰隨處

滿自天龍勃兩迴開樓船聽雨看吳岫藻翰吟秋上
沛臺報國總需劉晏策逢時不羨賈生才

贈許學士歸省

銀魚學士今公輔青霞丈人真地僊紫誥黃麻罩雨
露瓊林瑤草傲風烟萊衣拜慶承恩誥酈菊攀英薦
壽筵暫向故園榮書錦即歸蓬閣賜金蓮

贈費司訓之山陰

遊吳還適越心賞寄風烟世業稱韋相諸生仰鄭虔
客帆秋草外官舍海雲邊送爾增遐想重歌棣萼篇

答用修見贈

雞鶩爭稻梁鳳凰食琅玕感惻念物理沉冥結憂端
俛仰宇宙間知己良獨難我友在遠方欲往從遊盤
岷江阻奔洶劔嶺間嶮岈緬懷九苞質詎接雙飛翰
睽離驚歲改棲息喟形單斲苓春雨暮采菊秋露漙
明后應天曆衆賢集衣冠奄忽千里至執手平生歡
濯纓升博望踔躡遊長安愧比蕭艾姿芳馨託幽蘭
幸容竿跡濫莫遣膠盟寒晤言期誰與懷抱爲君殫

再次

昔行湘江曲萬竹青琅玕低枝蔭水石高葉拂雲端
幸適心賞趣寧辭行路難灘波渺萬里桂嶺鬱千盤

風溪渡颯爽雲嶠陟嶮岈會意輒靡駕放歌或濡翰
形勝豈不美但愧言詞單竭來故山住兩見白露溥
睽言懷魏闕復此彈塵冠休文自多病劉琨故少歡
京國多貴遊閉門臥衣安贈君湘川竹貽我握中蘭
蘭流香氣馥竹凜清風寒貞素各自保精衷詎能殫

三

夫君起西蜀謁帝陳琅玕妙齡賜上第聲名動朝端
遂令海內士嘖嘖稱才難譬彼珊瑚枝置之赤瑛盤
清輝映皎潔修幹凌嶮岈賤子忝官署往往接英翰
珠玉富璀璨覺我形寒單開緘清風穆入手垂露漙

金山堂集 卷之三
耿耿蒼水佩，裁裁切雲冠。池看鳳毛貴，庭憶彩衣歡。
蒼生望安石，才人羨子安。秘林應擢桂，謝砌總生蘭。
巨川湏拯溺，廣廈思庇寒。致身立津要，早願勳猷殫。
用修殿撰惠予蜀中雲根竹筆

用貞中舍贈雲根竹茅筆各一

青茆束束銀兔毫，雲根修篁鸞鳳毛。娟娟柔翰利所
操，攜持蜀山越江濤。投贈直比金錯刀，翰林文價賴

爾曹念我寒，思增鬱陶。

夢竹卷題贈胡世貞光祿

君家竹林何處所，萬玉蕭森作風雨。夜聞鄉夢遶園
扉，曉望征帆渡江水。江水悠悠堪濯纓，羨君風致有
餘清。玉堂延閣辭分直，鳧渚鷗汀思結盟。忠安公後
重家聲，干薨甲第晉陵城。雲泉自占江南勝，軒蓋寧
論世上榮。世間萬事何反覆，平地波瀾變蠅玉。君今
歸去耳不聞，把筆題詩倚青竹。

鈴山堂集

鈴山堂集卷第八

臺灣國家圖書館, NATIONAL CENTRAL LIBRARY, TAIWAN, R.O.C.

